

Na Biblioteca Nacional:
**Clarette Quandus a presenta
su di cuater buki di poesia
“Elegante Poeta”**



ORANJESTAD (AAN) – Diabierna anochi, a keda presenta na Biblioteca Nacional, e di cuater buki di Poesia di e autor Clarette Quandus. Elegante Poeta ta e titulo di e buki, cual ta dedica specialmente na Aruba su cultura, y Idioma Papiamento.



Su prome buki di poesia dedica na Aruba su cultura, y e otro dos ta contene diferente tema. Elegante Poeta ta consisti di 19 poesia na Papiamento. Un di nan ta Mi Papiamento, cu ta dedica na e idioma Papiamento door cu aña pasa tabata Aña di Papiamento. Ademá di “Mi Papiamento”, tin otro inspiracionnan titula: “Amor pa mi cultura”, “Dia di Cultura”, “Dia Nacional”. “Dia di Betico”, un dedica na e mama di Aruba su cultura sra. Bernadina Growell, entre otro. Clarette Quandus a expresa palabra di gratitud pa sr. Ito Tromp, pa e coreccion, e pintor Elvis Tromp, ken a ilustra e buki y e caft unda a pinta e cara di e autor, y pa Unoca un danki special pasobra el a financia e buki aki.